

第一〇三册目次

法苑珠林一百卷(二) 唐道世撰

.....

法苑珠林卷

十之三

杜十

大唐上郡西明寺沙門釋道世撰

納妃部第九

此別六部

迷意部

灌帶部

求婚部

疑謗部

胎難部

神異部

迷意部第一

夫法身無形隨應而現機緣萬途故化迹非一或離欲而受道或處染而現權若不示其納妃凡識謗非人種雖示五欲之境不壞一心之志故歷王城之門衰老病死之八苦乃自嗟曰人生若此在世何堪脫屣尋真其於斯矣故維摩經曰先以欲拘牽後令入佛道也

灌帶部第二

依因果經云太子年夫父王勅下餘國却後二月八日灌太子頂皆可來集立為太子勅既至已諸國王及群臣等至時並皆雲集看立太子放大鴻恩長安西明寺道宣律師者德鏡玄流業高

素精誠苦行畢命終身早得從師五十餘季栖遑問道志在住持但一事可觀資成三寶綴緝儀範百有餘卷結集高軌屬有深旨粵以大唐貞觀二年仲春之節身在京師城南清宮故淨業寺遂靜修道年至桑榆氣力將衰專念四生又思三會忽以性緣幽靈願接病漸瘳降勵力殷仰遂感冥應時有諸天四王臣佐至律師房門似人行動跡足出聲律師問言是誰荅言弟子張瓊律師又問何處檀越荅言弟子是第一欲界南天王之第五子王有九十一子英略神武各御邦都所統海陸道俗區分持犯界別並親受佛教護持善惡使遺法載隆積殖其功也依經即是護世四王南方毗留離王之子常加守衛不徒設也律師又問檀越既遺德劣故來相看何故門首不入荅云弟子不得師教不敢輒入律師云願入就座入已禮敬伏坐律師又問檀越既篤信三寶又受佛屬護持善來相

看何不現形答言弟子報身與餘人別光色又異驚動衆心共師言論足得不勞現身律師又問貧道入春已來氣力漸弱醫藥無効未知報命遠近答云律師報微特盡無煩醫藥律師又問定報何日答云何須道時但知律師不久報盡生第四天弥勒佛所律師又

杜朱林十

問同伴是誰答云弟子第三兄張興通敏超悟信重釋宗撰抵桓圖經百有餘卷烈時天宮無聞地府律師承此告及踊思尋之請述用開道俗又有天人韋琨亦是南天王八大將軍之一臣也四天王合有三十二將斯人爲首生知聰慧早離欲塵清淨梵行修童真業面受佛囑弘護在懷周統三洲住持爲最亡我亡瑕殷憂於四部達物達化大濟於五乘所以四有佛教干涉頽網僧像貼危無非扶衛屢蒙展對曲備嘉猷歎律師緝叙餘風聖迹住持刪約撰集於是律師既承靈屬扶疾筆受隨聞隨錄合成十卷律師憂報將盡

復慮天人將還筆路蒼茫無暇餘事文字亦復疏略但救聖意不存文飭所有要略住持教迹不決者並問除疑以啓心惑合有三千八百條勒成十篇一叙結集儀式二叙天女偈頌三叙付囑舍利四叙付囑衣鉢五叙付囑經像六叙付囑佛物七叙結集前後第八

第九

此二不叙於名

叙住持聖迹律師既親對

冥傳躬受遺誥隨出隨欣耳目雖倦不覺勞苦但恨知之不早文義不周今依天人所說不違三藏教旨即皆編錄雖聞天授還同佛說始從二月迄至六月日別來授無時暫開至冬初十月三日律師氣力漸微香幙遍空

杜朱林十

三

天人聖衆同時發言從兜率天來請律師律師端坐一心合掌殷容而卒臨終道俗百有餘人皆見香花迎往昇空律師是余同學昇壇之日同師受業雖行殊薰歆好集無二若見若聞隨理隨事摺據衆記簡略要集編錄條章並存遺法住持利益也 余時有四天

王白宣律師如來臨涅槃時與人天大衆在于香山頂阿耨達池南牛頭精舍住告大迦葉汝將須菩提在須彌山頂吹大法螺召集十方十地諸菩薩及聲聞僧百億梵釋及四天王等亦召十方諸佛來集香山迦葉隨教大衆雲集尔時世尊跏趺而坐入金剛三昧定大地六種震動又放眉光遍照大千經千七日大衆咸疑不知何緣世尊從三昧起熙怡微笑告諸大衆言我初踰城始出宮門外有捷闍婆王將領部族奏百千天樂來至我所即問我言欲往何所我荅言欲求菩提彼語我言汝定成正覺有拘留孫佛欲入涅槃時付囑我金瓶瓶中有寶塔盛七寶印黃金印有二白銀印有五將付悉達常使我護若成正覺時我尋來至依言受瓶已不久成道大梵天王與地神堅牢於菩提樹南以黃金白玉造大金剛壇眾寶莊嚴尔時捷闍婆王白十方佛言我見過去佛初成道時咸昇金

剛壇金瓶盛水用灌佛頂成就法王位今見釋尊始得菩提亦如前佛昇金剛壇我聞山王下七重青海內有八功德水往古諸佛欲昇法王位皆登金剛壇用水灌頂我自往取欲灌釋迦頂彼捷闍婆王開瓶出印塔將瓶取水尔時十方諸佛命我昇壇我即遶壇三匝從于南面上西轉而北住至于壇中心自敷座師壇禮十方佛諸佛命我坐入金剛三昧十方來佛又告娑竭龍王汝往大海底寶馬王洲上頻伽羅山頂彼有大巖窟名為金剛藏用貯輪王鍾及貯法王鍾皆用黃金作七寶白玉用填其上諸佛出世皆用千鍾灌頂之上輪王出世亦千鍾灌汝持佛鍾來不用輪王者即盛八功德水以灌釋迦尔時龍王承佛教已即取金鍾以授十方佛諸佛受已命捷闍婆王汝持彼水來瀉我金鍾內諸佛受已地爲六種震動十方諸來佛各放白毫光而彼光明中數佛寶功德我從三昧起

此未第十

四

亦放眉光共諸佛光合成一寶蓋遍覆大千
界日月星辰大海諸山及衆生業報蓋中悉
現而是寶蓋中有百億諸佛土諸佛命我起
立金壇又禮十方佛時十方諸佛又告和修
龍王往頻伽山頂彼山有窟藏諸佛座及輪
王座皆用黃金作之如須彌山佛座九龍繞
之輪王座五龍繞之令法王登位時座于時
十方諸佛又命大魔王及大梵王共舉佛座
來至千金壇上諸佛命我坐我坐即依言便
却踞坐時十方諸佛以金鍾盛水用灌我頂
諸佛灌已次及四王帝釋魔梵次第灌之我
灌頂已得淨三昧無量佛法一時皆現地又
大動百億諸魔皆來降伏十方諸梵王各執
天樂奏佛成道曲而諸樂器中皆放光明說
六波羅蜜時提闍婆王將前七寶印來授七
方佛諸佛受印以印我面七寶印又告我言
今印汝七竅令具七覺分最初印面門爲據
擇煩惱及諸智數如是耳目鼻等次第印之

批

朱林十

五

又以黃金印用授十方諸佛諸佛受已即印
我曾三處由獲法印故證得三空智解了諸
佛法次持白銀印又授十方佛諸佛受已即
印我頂及以手足既得印已證成無漏智具
五分法身諸佛印竟咸舒金色手以摩我頂
我得摩已證百千三昧得千法明門斯等諸
佛法我已久證爲諸衆生故示同輪王相又
示希瑞相我頂及手足皆放五色光明一一
光中具百千樓觀我諸分身佛並在樓觀中
皆如我受印登大法位我自成道來常持此
瓶塔未曾示汝等今時方現又佛告普賢大
士開瓶出寶塔依命出塔已在世尊前立世
尊起禮塔已塔門自開中有真珠觀其數十
三萬觀別成一印并金疊毗丘還有十三萬
中有五比丘入于滅盡定佛告文殊汝取我
法角黃金爲鈎至彼比丘所吹我出世曲及
起深定曲比丘聞樂音尋從定起問文殊師
利今何佛與世耶答曰此賢劫中第四釋迦

佛比丘又言我是拘留孫佛聲聞大弟子彼
涅槃時令我住此塔內守護諸印等乃至樓
至佛方始涅槃余時比丘即從座起遙禮世
尊問訊起居已又告文殊彼佛勅我釋迦臨
涅槃時汝於諸印中取二十三印將付釋迦
佛滅度之後所有遺教彼時衆生垢重邪見
不持禁戒諸天龍神皆不擁護令諸四部無
有威德我留此印與釋迦文佛令大菩薩於
後世中將二十三印遍印遺法印彼四部無
有毀犯若樂讀誦經者印彼人口無有遺忘
若修定人行直心者並用印之令彼終後屍
形不壞或有光明諸惡衆生見如上瑞皆生
欣重心說是語已塔門還自閉之

求婚部第三

如佛本行經云余時太子漸向長成至年十
九時淨飯王爲於太子造三時殿一者暖殿
以擬隆冬第二涼殿以擬夏暑第三中殿用
擬春秋於後園廣造池臺栽蒔花果衆人作

朱林十

文

樂隨時侍衛不可具陳淨飯王復憶太子初
生之時相師私施記爲輪王復記成道作何
方便令不出家得紹王位釋族親王今當速
爲太子別造宮室令諸姝女娛樂是則太子
不捨出家而說偈言
阿私陀所記 決定無移動 諸釋勸立殿
望使不出家

王復語釋種言汝等當觀誰女堪與太子爲
妃余時五百釋種各各唱言我女堪爲作妃
王復籌量忽取他女脫不稱可則成違負若
語太子終不可道復更思惟可以雜寶作無
憂器持與太子令施諸女密使觀察看太子
眼目瞻矚在誰即娉作妃王即於迦毗城振
鐸唱言從今已去至七日來我太子欲見諸
釋女施與一切雜寶種種玩弄無憂之器余
時一切諸女莊嚴其身來集宮門欲見太子
以太子威德大故不敢正看但取寶器各各
低頭速疾而過寶器盡已最後一女波私吒

族釋種大臣摩訶那摩其女名爲耶輸陀羅前後侍從園遶而來遙見太子峨峨注睛舉其雅步瞻觀直眇目不斜窺漸進前趨來迎太子如舊相識曾無愧顏即白太子可與我實太子報言汝來旣遲皆悉施盡女復白言我有何過汝今欺我不與寶器太子答言我

朱卷十

七

七

不欺汝但汝不及是時大指邊有一所著印環價直百千從指脫與耶輸白言我於汝邊可止直尔許物耶太子報言我之所著自餘瓔珞任意所取女復白言我今豈可剥脫太子止可莊嚴太子作此語已心不歡喜即迴還去 尔時卅尊成佛已後尊者優陀夷而

白佛言云何如來將身一切無價瓔珞脫持施與耶輸陀羅不能令彼心喜佛告優陀夷言至心諦聽我當說之優陀夷言願爲我說 尔時佛告優陀夷言我念往昔無量卅時迦尸羅國內波羅奈城時有一王信邪倒見而行治化彼王有子造少罪憊父王驅憤令出

國界漸漸行至一大祠中共婦相隨居停而住食粮罄盡王子遊獵殺捕諸蟲以用活命所獵之處見一鼯蟲趨而殺之即剥其皮肉水中煮其欲向熟汁便竭盡是時王子語其婦言肉未好熟卿更取水彼王子婦即便取水婦去已後王子飢急不能忍耐即食鼯肉一切悉盡不留片殘時王子婦取水迴還問其夫言此中鼯肉今在何處王子報言鼯肉然還活今已走去其婦不信何忽如是鼯肉已熟云何能走婦心不信而意思念必是我夫飢急食盡誑我言走情懷腹恨心常不歡於後數年其父命終時諸 臣即迎王子灌頂爲王旣作王已所得衆皆悉與妃其妃不悅王語妃言何故顏容不悅其夫人即說偈以報王言

最勝大王聽
射殺野鼯死

往昔遊獵時
剥皮煮欲熟

執箭或持刀
遣我取水添

而誑我言走

佛告優陀夷此汝當知尔時王者我身是也其王后者今耶輸是也我於尔時少許犯觸猶今不喜又佛本行經云尔時大臣摩訶那摩見於太子一切伎藝勝妙智能最爲上首而作是言惟願太子受我懺悔我於先時謂言太子不解多種伎藝令我心疑不嫁女與

杜

朱林十

以

我今已知願受我女用以爲妃尔時太子占良吉日及吉宿時稱自家資而辦具禮持大王勢將大王威而用迎納耶輸陀羅以諸璽珞莊嚴其身又復共五百嫫女相隨而往迎取入宮共相娛樂受五欲樂是故說偈言耶輸陀羅大臣女

名聞蓋國遠近知

占卜吉日取爲妃

迎將來入宮殿內

太子共其受欲樂

歡娛縱逸不知厭

猶如天王憍尸迦

共彼舍脂夫人戲

尔時世尊於後最初得成道已時優陀夷即白佛言未審世尊往昔之時與瞿多弥釋種之女有何因緣乃能令彼捨諸童子直取如

來用以爲夫而心娛樂云何而得尔時佛告彼優陀夷言汝優陀夷至心諦聽其瞿多弥釋種之女非但今世嫌餘釋童而樂於我乃往過去世時亦復如是不用彼等諸釋童子取我爲夫我念往昔雪山之下多有雜類無量無邊諸獸馳遊各各相隨任其所食時彼

獸中有一特虎端正少變於諸獸中無比類者彼虎如是毛色光鮮爲於無邊諸獸求覓欲取爲對各各皆言汝屬我來汝屬我來復有諸獸自相謂言汝等且待莫共相爭聽彼特虎自選取誰即爲足偶彼獸即是我等之王時諸獸中有一牛王向於特虎而說偈言

杜

朱林十

九

世人皆取我之糞

持用塗地爲清淨

是故端正賢特虎

應當取我以爲夫

是時特虎向彼王說偈答言

汝項斛領甚高大

止堪駕車及挽犁

云何將此醜身形

忽欲爲我作夫主

是時復有一大白象向於特虎而說偈言

我是雪山大象王

戰鬪用我無不勝

我既有是大威力

汝今何不作我妻

是時特虎復以偈答彼白象言

汝若見聞師子王

膽驚驚怖馳奔走

遺失屎尿狼藉去

云何堪得爲我夫

尔時彼中有一師子諸獸之王向彼特虎而

說偈言

汝今觀我此形容

前分闊大後纖細

在於山中自恣活

復能存恤餘衆生

我是一切諸獸王

無有更能勝我者

若有見我及聞聲

諸獸悉皆奔不住

我今如是力猛壯

威神甚大不可論

是故賢虎汝當知

乃可爲夫作於婦

時彼特虎向師子而說偈言

大力勇猛及威神

身體形容悉端正

如是我今得夫已

必當頂戴而奉承

尔時佛告優陀夷言汝優陀夷應當悟解彼

時師子諸獸王者即我身是時彼特虎者今

瞿多弥釋女是也時彼諸獸現今五百釋童

子是當於彼時其瞿多弥已嫌諸獸意不願

樂聞我說偈即作我妻今日亦然捨諸釋種

五百童子既嫌薄已取我爲夫又因果經云

時太子至年十七王集諸臣而共議言爲訪

索婚有一釋種婆羅門名摩訶那摩其人有

女名耶輸陀羅顏容端正聰明智慧賢才過

人人禮備舉有如是德故索爲妃太子雖納

爲妃然恒與妃行住坐卧未曾有世俗之意

但修禪觀又普曜經云時諸力士釋種長者

啓王若太子作佛斷聖王種王曰何所有王

女宜與太子爲妃以權方便令當試之使上

工匠立端金像以書文字女人德義如吾所

流能應聘耳王告左右梵志入迦夷衛國遍

瞻周行觀一玉女淨猶蓮華類玉女寶是執

杖釋種女名俱夷見太子奇異才術以女俱

夷爲太子妃又年十七王爲納妃揀選數千

最後一女名曰裘夷端正第一神義備舉是

則宿命貴華女也雖納為妃久而不接婦人情欲有附近心太子曰汝都無有汙垢必汙此繫婦不敢近諸女咸疑太子不男太子以手指妃腹曰却後六年尔當生男遂以有娠又五夢經云太子有三妃菩薩母姓瞿曇氏是舍夷長者女長者名水光其婦名餘明婦居近邊城生女之時曰將欲沒餘明照其家內皆明因立字之瞿夷此云即是太子第一妃也第二妃生羅雲名耶檀亦名耶輸其父名移施長者按瑞應本起善權經及智度論並云羅睺是第二耶輸生依五夢十二遊經等云第一妃生十二遊經前無如是復開流通恐是西方諸羅漢別集已釋前卷第三妃名鹿野英父名釋長者太子以三妃故白淨王為立三時殿依西方一年夏冬不別立秋用四月為一時故云三時殿也殿別有二萬妹女以娛樂太子太子不出家時身作轉輪王別名遮迦王此云飛行皇帝疑謗部第四如智度論云菩薩有二夫人一名劬毗耶是王女不孕二名耶輸陀羅菩薩出家夜有人

言太子出家何得有娠汙辱我門釋種欲以火坑焚燒母子耶輸自恨無事立大誓言我若邪行其腹內兒願母子隨火消化耶輸發此願已即投火坑於是火滅母子俱存火變蓮池母處華座知實不虛後生兒似菩薩身父王大喜作百未歡喜丸奉佛佛變五百比丘皆如佛身羅睺持丸與佛鉢中方驗不虛又大善權經云疑菩薩非男是黃門故納瞿夷釋氏之女羅雲於天變沒化生不由父母合會而有又佛本行經云尔時摩訶波闍波提共彼釋女耶輸陀羅將羅睺羅廣辦供具賁持雜物詣彼神所其神名曰盧提羅迦從神作名其苑亦名盧提羅迦於彼苑中菩薩往昔在家之日恒於彼苑按摩遊戲彼苑內有一大石菩薩往日於上坐起耶輸陀羅釋種之女當於尔時將羅睺羅卧息彼石於後捉石擲著水中遂立誓言我今安誓如實不虛唯除太子更無丈夫共行彼此我所生

兒實是太子體胤之息是不虛者今此大石在於水上浮遊不沒時彼大石如彼安誓在於水上遂即浮泛如芭蕉葉浮於水上不沉不沒亦復如是於時大衆見聞此已生希有心歡譁嘯調踊躍無已叫喚跳躑歌儻作唱旋裾擗袖又作種種音聲伎樂更為羅睺羅作其生日耶輸陀羅生息之時是羅睺羅阿脩羅王捉蝕其月於剎那頃暫捉還放是故立名羅睺羅可喜端正諸人見者莫不歡悅膚體黃白如真金色然其頭頂猶如繖蓋其鼻高隆猶如鸚鵡兩臂脩膺下垂過膝一切支節無有缺減諸根完具莫不充備

胎難部第五 如佛本行經云其羅睺羅如來出家六年已後始出母胎如來還其父家之日其羅睺羅年始六歲問曰何故羅睺羅處在母胎六年不出答曰羅睺羅往昔為王將彼仙人入苑六日不出故在母胎止住六歲大意同前問何故其母耶輸六年懷胎答故本

杜

法苑珠林

十二

行經云佛言汝諸比丘我念往昔過無量世有一羣牛在於牧所其牛主妻自將一女往至牛羣搆取乳酪所將二器並皆盈滿其器大者遣女而負其器小者身自擔提至其中路語其女言汝速疾行此間路嶮有可怖畏余時彼女語其母言此器大重我今云何可得速疾其母如是再三語汝速疾行今此路中大有恐怖余時彼女而作是念云何遣負最大器更復催促遣令急行其女因此便生瞋恚而白母言母可且兼將此乳器我今暫欲大小便耳而彼母取此大器負擔行已其女於後徐徐後行余時彼母兼負重擔遂即行至六拘盧舍余時佛告諸比丘言汝等若有心疑彼女有瞋恚心乃遣其母負重行六拘盧舍者莫作異見耶輸陀羅釋女是也既於彼時遣母負重行其道路六拘盧舍由彼業障在於生死煩惱之內受無量苦以彼殘業今於此生懷胎六歲

亦有經云羅雲由過去塞其乳孔禁乳六

日不出故
受胎六年

神異部第六 如觀佛三昧經云時耶輸陀羅及五百侍女或作是念太子生世多諸奇特唯有一事於我有疑姝女衆中有一女子名脩男那即白妃言太子是神人也奉事歷年不見其根況有世事復有一女名曰淨意

朱律十

十三

白言大家我事太子經十八年未見太子有便利患況復諸餘余時諸女各各異說皆謂太子是不能男太子晝寢皆聞諸女欲見太子陰馬藏相余時太子於其根處出白蓮華其色紅白上下二三華相連諸女見已復相謂言如此神人有蓮華相此人云何心有染著作是語已噎不能言是時蓮中忽有身根如童子形諸女見已更相謂言太子今者現奇特事忽有身根如丈夫形諸女見已不勝喜悅現此相時羅睺羅母見彼身根華華相次如天劫貝一一華上乃有無數大身菩薩手執白華圍繞身根現已還沒如前日輪此

名菩薩陰馬藏相余時復有諸姝女等皆言瞿曇是無根人佛聞此語如馬王相漸漸出現初出之時猶如八歲童子身根漸漸長大如少年形諸女見已皆悉歡喜時漸長大如蓮華幢一一層間有百億蓮華一一蓮華有百億寶色一一色中有百億化佛一一化佛有百億菩薩無量大衆以爲侍者時諸化佛異口同音毀諸女人惡欲過患而說偈言若有諸男子 年皆十五六 盛壯多力勢數滿恒河沙 持以供給女 不滿須臾意時諸女人聞此語已心懷慚愧懊惱躡地舉手拍頭而作是言嗚呼惡欲乃令諸佛說如此事我等懷惡心著穢欲不知爲患乃令佛聞呵歎欲惡各猷女身四千女等皆發菩提心二千女人遠塵離垢得法眼淨二千女人於未來世得辟支道 佛告阿難我初成道在熙連河側有五尼捷共領七百五十弟子自稱得道來至我所以其身根遶身七帀來

至我所鋪草而坐即作此語我無欲故身根如此如自在天我今神通過踰沙門百千萬億今時世尊告諸居士捷汝等不知如來身分若欲見者隨意觀之如來積劫修行梵行在家之時都無欲想心不染黑故得斯報猶如寶馬隱顯無常今當爲汝少現身分

杜

朱林十

十四

今時世尊從空而下即於地上化作四水如四大海四海之中有須彌山佛在須彌山正身仰卧放金色光其光是曜映諸天身徐出馬藏繞山七匝如金蓮華花華相次上至梵世從佛身出一億那由他雜寶蓮華猶如華幢覆蔽馬藏此蓮華一億有十億層層有百千無量化佛一一化佛百億菩薩無數比丘以爲侍者化佛放光照十方界居士捷見已大驚心伏佛梵行相乃至如此不可思議形不醜惡猶如蓮華我今頂禮佛功德海求佛出家皆得道果

述意部

觀田部

出遊部

厭慾部

厭苦部第十

此別四部

述意部第一 詳夫三有區分四生稟性共遊火宅俱淪欲海蠢蠢懷生喁喁喟喟所以法王當洲渚之運覺者應車乘之期導彼戲童歸茲勝地悲憐俗網慈欣出離是以觀伎女之似橫屍悟宮闈之如敗塚嗟生老之病苦慕出世之常樂故捨國城而高蹈逮降魔而成道也

觀田部第二

如佛本行經

云其淨飯王共多釋種并將太子出外野遊觀看田種時彼地內所有作人赤體辛勤而事耕墾飛鳥喫虫共相殘害即復唱言嗚呼嗚呼世間衆生極受諸苦所謂生老病死兼復受於種種苦惱展轉其中不能得離云何

杜

朱林十

十五

不求捨是諸苦時淨飯王觀田作已共諸童子還入一園是時太子安庠矚眄處處經行欲求寂靜忽見一處有閭浮樹蔭鬱蔭蔭人所樂見見已即語左右汝等諸人各遠離我我欲私行是時太子發遣左右悉令散已漸至樹下即於草上結跏趺坐諦心思惟衆生

有生老病死種種諸苦發起慈悲即得定心
離於諸欲棄捨一切諸不善法欲界漏盡即
得初禪一切諸天帝釋等見太子在樹蔭坐
飛來到太子所禮敬說偈讚已還去時淨飯
王須臾之間不見太子心內即生不喜不樂
而問人言我之太子今在何處忽然不見是

時諸臣東西南北交橫馳走尋覓太子莫知
所在時一大臣遙見太子在彼閻浮樹蔭之
下思惟坐禪復見一切樹影悉移唯閻浮陰
獨覆太子時彼大臣見太子有是希奇難思
議事即大歡喜踊躍充滿不能自勝急疾奔
馳走詣王所至已長跪依所見事即說偈言

大王太子今在彼
跏趺思惟入三昧
此實真是大丈夫
唯願大王目觀察
譬如大梵諸天王
威神巍巍光顯赫

閻浮樹陰下端坐
光明照耀如日出
樹影卓然不移動
太子相貌坐云何
亦如忉利天帝釋
遍照於彼諸樹林

時淨飯王聞已即詣閻浮樹所遙見太子在
彼樹間結跏趺坐譬如黑夜視山頂頭大聚
火光出猛明燄威德顯著炳照巍巍如重雲
間忽出明月亦如暗室然大淨燈時王見已
王大希有奇特之心遍體戰慄身毛悉豎即
頭頂禮於太子足歡喜踊躍而作是言善哉

善哉此太子有大威德說偈讚言

如夜大火聚山頂

似秋明月蔽雲間

今見太子坐思惟

不覺毛張身戰慄

時淨飯王說偈讚已更復頂禮於太子足重
說偈言

我今再度屈此身

頂禮千輻勝妙足

從生已來至今日

忽復得見坐思惟

時有繫挾筌蹄小兒隨從大王啾唧戲笑有
一大臣咄彼小兒作如是言汝小兒輩幸勿
唱呼時諸小兒報彼臣言何故不聽我等喧
適尔時大臣即以偈頌答彼一切諸小兒言
日光雖極熱猛盛 不能迴彼樹陰涼

復有最妙一尋光

思惟端坐於樹下

悉達太子內深心

佛本行經云菩薩向白淨王說偈言

譬如金屋火熾盛

如滿池華有蛟龍

威德世間無有足

不動不搖如須弥

樂此樹陰當不捨

如食甘美毒藥和

王位受樂後大苦

出遊部第三

如佛本行經云今時作瓶

天子欲令太子出向園林觀看好惡發厭心

故漸教捨離今時太子聞是聲已即喚馭者

可速嚴飾好車今欲向園觀看時淨飯王知

太子欲出勅宣令迦毗羅城一切內外悉遣

灑掃清淨安雜香華男女之者而莊嚴之或

有老病死云六根不具者悉令驅逐是時馭

者裝飾車乘駕善調馬悉嚴備已白太子言

聖子當知今已駕訖今時太子從東門引導

而出欲向園看是時作瓶天子於街巷前正

當太子變身化作一老弊人太子見已即問

馭者此是何人身體皺皺肉少皮寬眼赤涕

社
朱
十

流極大醜陋獨尔鄙惡不似餘人即向馭者而說偈言

善馭駕乘汝今聽

身體不正頭髮稀

今時馭者即為太子而說偈言

此時名為大苦惱

諸根毀壞失所念

今時太子問馭者言此人為是獨一家法如是為當一切悉皆如斯馭者報言非獨一家

如斯一切世間皆有是法貴賤雖殊皆未過

老太子言若我不離是老宜速還宮老法未

過云何縱逸時淨飯王問馭者具答如前王

言希有此之形相恐太子出家更增五欲太

子厭捨五欲唯作老苦之觀後於異時辟王

從城南門出欲向園觀王勅道路嚴淨倍加

於先今時作瓶天子即於太子前化作一病

人連骸困苦命在須臾卧糞穢中宛轉呻喚

不能起舉唱言叩頭乞扶我坐太子見已問

此是何人

馭者言此是何人腹肚極大猶如大金喘息之時身遍戰慄悲切酸楚不忍見聞馭者以是因緣而說偈言

太子問於馭者言

此人何故受是苦

馭者奉報於太子

四大不調故病生

太子後於異時從城西門出觀看園林時作瓶天子於太子前化作一屍卧在床上衆人舉行無量姻親圍遶哭泣推背拍頭涕泣如雨大叫號慟酸哽難聞太子見之心懷慘惻問馭者言此是何人舉行叫哭說偈問言

問善馭者此是誰

諸親圍遶叫喚哭

馭者向太子而說偈

屍骸無識如木石

已捨心意等諸根

恩愛於此長別離

太子復問我亦有此死法不以偈報言

一切衆生此盡業

天人貴賤平等均

雖處善惡諸世間

無常至時無有異

朱律十

十八

太子後於異時從城北出尔時作瓶天子以神通力去車不遠於太子前化作一人剃除鬚髮著僧伽梨偏袒右肩手執錫杖左掌擎鉢在路而行太子見已問馭者言此是何人在於我前威儀整肅行步徐庠直視一尋不觀左右執心持行不以餘人剃髮剪鬚衣色絕赤不同白衣鉢色紺光猶如石黛馭者白太子言此名出家之人常行善法遠離非法善調諸根善與無畏於諸衆生慈悲不行殺害護念衆生太子聞已問馭者言汝今將車向彼出家人邊馭者承命即引太子向出家人所太子諮問汝是何人以偈報言

觀見世間是滅法

欲求無盡涅槃處

怨親已作平等心

世間不行欲等事

隨依山林及樹下

或復塚間露地居

捨於一切諸有爲

諦觀真如乞食活

尔時太子爲敬法故從車而下徒步向彼出家人所頭面頂禮彼出家人三市園遶還上

車坐即勅取者迴還宮中是時宮內有一婦人名曰鹿女遙見太子歸來入宮因於欲心而說偈言

淨飯大王受快樂

摩訶波闍無憂愁

宮中姝女極姝妍

誰能當此聖子處

又大善權因果經等朱持十今時太子年漸長大出

家時至故辭父王出四城門遊觀前三所逢生獸唯欣第四出家諸大相師並知太子若不出家過七日後得轉輪聖王位王四天下七寶自至各以所知白王王加守循四門各千人周市城外一踰闌那內羅列人衆而防護之東門老頌曰

蘆蕉城易犯

危藤復將齧

一隨柯已微

當半信長訣

已同白駒去

復同紅華熱

妍容一旦罷

孤燈徒自設

南門病頌曰

伏枕愛危光

病纏生易折

無因雪岸草

慮返芒山穴

消渴腸膈

疼塞嬰支節

如何促齡內

憂苦無暫缺

西門死頌曰

緩心雖殊用 滅景寧優劣 一隨業風盡
終歸虛妄設 五陰誠為假 六趣寧有截
零落竟同歸 憂思空相結 北門僧頌曰
俗幻生影空 憂繞心塵瞠 於茲排四纏
去矣求三涅 下學背流心 方從窈冥別
已悲境相空 復作池空滅

獸欲部第四

如佛本行經云今時太子

聞此偈頌遍體戰慄淚下如雨愛樂涅槃之樂清淨諸根唯求出世不樂處俗王共智臣宮人姝女種種幻惑太子時優施夷國師之子侍衛太子教諸婦人幻惑之術而說偈言汝等姝女輩 大有方便力 巧能幻惑他善示汝境界 假使離欲人 真正諸仙等得見於汝者 必應生欲心 況復此太子觀汝等娛樂 不能行五欲 終無有是處愛著之情態欲為本婦女之體唯以丈夫敬重為歡心不愛著榮華是難而說偈言婦人敬是樂 敬為樂最上 無敬唯有色